

PESERTA menghulurkan bungkus bantuan kepada gelandangan.



Turun bantu gelandangan

■ 50 penuntut sertai program Feed The Needs anjuran Enactus UNITEN

Hamizah Badiran
hamizah@hmetro.com.my

Seramai 50 penuntut Universiti Tenaga Nasional (UNITEN) menyertai program Feed The Needs anjuran Enactus UNITEN bagi mengedor bungkusan bantuan berisi pakaian, alat kebersihan harian dan makanan kepada gelandangan hasil sumbangan masyarakat melalui beberapa program kutipan sebelum ini.

Program itu dijalankan di pusat tumpuan iaitu pusat transit gelandangan yang dibina di pusat bandar dan beberapa jalan di sekitar Kuala Lumpur.

Difahamkan, pada setiap malam, pusat itu menjadi 'bilik' sementara golongan ini melelapkan mata. Namun, ada juga di antara mereka

memilih untuk tidak mengharapkan bantuan atau perlindungan di pusat ini atas sebab tersendiri.

Pengarah Program Muhammad Ibrahim berkata, program itu bertujuan mendedahkan peserta kepada kehidupan sehari-hari golongan gelandangan.

"Jika kita berupaya memahami golongan ini, kita boleh cuba untuk membantu mereka dalam pelbagai cara," katanya.

Sementara itu, Enactus UNITEN, adalah organisasi antarabangsa yang bekerja rapat dengan dunia korporat dan pusat pengajian tinggi untuk

membolehkan pelajar khususnya menjalankan aktiviti tanggungjawab sosial korporat (CSR).

UNITEN mengungguli Enactus Malaysia National Championship tahun lalu dan mewakili Malaysia ke Piala Dunia Enactus di Johannesburg Afrika Selatan. Menurut

Muhammad, input seperti ini sangat berguna untuk mereka merancang pelan program pembangunan komuniti sejarah objektif Enactus.

Program Feed The Needs
itu turut disertai penuntut
dari Universiti Malaysia
Pahang (UMP) dan
Universiti Pendidikan
Sultan Idris (UPSI)